

Headline	Pendedahan Sinar Harian dapat perhatian	Language	Malay
Date	20 Jul 2009	Page No	13
MediaTitle	Sinar Harian	Article Size	139 cm²
Section	Mahkamah & Jenayah	Color	Full Color
Journalist	N/A	PRValue	2,294
Frequency	Daily		
ADValue	765		



Pendedahan Sinar Harian dapat perhatian

SHAH ALAM – Darul Ukhwah menerima sebanyak 20 buah katil untuk pesakit HIV/Aids sumbangan daripada Hospital KPJ, Selangor, kelmarin.

Pemegang Amanah dan Penasihat Undang-Undang di Yayasan Al-Ijabah, Muhamad Abdullah berkata, hasil pertemuan dengan pihak hospital terbabit, 20 unit katil bernilai RM2,000 setiap satu disumbangkan ke pusat tersebut.

“Masalah utama untuk mem bawa keluar mereka (pesakit Aids) telah pun diselesaikan dan kami hanya menunggu rumah tersebut siap untuk diduduki.

“Insya’Allah, Darul Ukhwah akan dirasmikan dalam tempoh dua minggu lagi,” katanya ketika dihubungi, semalam.

Beliau berkata, sumbangan ter-



sebut diterima susulan laporan Bongkar Sinar Harian mengenai pesakit HIV/Aids Islam yang menjadikan gereja sebagai tempat perlindungan selepas pusat disisih masyarakat dan masalah kekurangan rumah perlindungan Islam akibat belunggu sumber kewangan yang dihadapi kebanyakan badan pertubuhan bukan kerajaan (NGO) Islam dalam membantu pesakit terbabit.

Menurutnya, Darul Ukhwah juga telah menerima sumbangan kewangan bernilai RM50,000 daripada Majlis Agama Islam Selangor (Mais).

Sementara itu, Exco Pendidikan, Pendidikan Tinggi dan Pembangunan Modal Insan Selangor, Dr Halimah Ali berkata, laporan tersebut jelas mendedahkan kelemahan institusi Islam termasuk masjid dan pertubuhan bukan kerajaan (NGO) sehingga umat Islam terpaksa mencari perlindungan dengan agama lain.

“Saya menyeru semua badan badan Islam khasnya institusi masjid, NGO Islam, Jabatan Agama Islam Negeri menjadikan berita ini sebagai satu amaran,” katanya dalam satu kenyataan, semalam.

Dr Halimah berkata, beliau menyarankan Jabatan Agama Islam Selangor (Jais) mengkaji kos tersebut secara serius dan mencari jalan penyelesaian terbaik mengelak kes sama berulang.